

立永杜賣盡根契人社養北勢庄曾欽，有承先父明買過張家水田壹段，址在后埔獅尾堀下埤仔脚，東至張作進田，南至大圳，北至張家田，西至溝，四至界址各有定界明白。逐年配納課租俱載在上手契明白，帶圳水灌溉充足。今因乏銀費用，愿將此田出賣，先盡問房親人等俱不欲承受，外托中引就向與后埔仔庄張拱照官出首承買，三面議定時值價銀陸拾零壹大員，平重肆拾貳兩柒錢正，即日全中交收足訖。其水田隨即踏明界址，交付與買主前去掌管，起耕招佃，收租納課，永遠爲業。保此田係欽承祖父明買之業，與別房叔兄弟姪無干，亦無重張典掛他人財物以及上手來歷不明等情。如有此情，賣主抵當，不干買主之事。自此一賣千休，根株永斷，日後子孫不敢言贖，亦不敢言找之理。此係二比甘愿，各無抑勒反悔。口恐無憑，今欲憑，合立杜賣盡根契字壹紙，併上手大契壹紙，印契連司單壹紙，上手找洗字壹紙，印契壹紙，鬮書契繳連壹紙，找洗字壹紙，合共玖紙，付執爲炤。

即日全中親收過盡契字內佛銀陸拾零壹大員，平重四拾貳兩柒錢正完足。再炤。

代筆人 吳塘波 (花押)

爲中人 陳獻瑞 (花押)

知見人長男 曾萍 (花押)

明治參拾肆年辛丑十月

日立杜賣盡根契字人 曾欽 (花押)

